

四庫全書

子部

欽定四庫全書

子部

天中記卷四十七

詳校官中書臣李彤

主事臣祁韻士覆勘

總校官候補中允臣王燕緒

校對官編修臣王天祿

錄錄監生臣葉世倬

欽定四庫全書

天中記卷四 十七



明 陳耀文 撰

韜髮冠貫也所以貫韜髮也

冠纓上古穴居野處衣毛而冒皮後代聖人易以絲麻

觀鬻翟之文迺染帛以效之始作五采以為服見鳥獸

有冠角頰胡之制遂作冠冕纓縷

與服志

持髮人所以有冠者憺也所以憺髮也人懷五常莫不貴德示成禮有修飾文章故制冠以威首別成人也

通白

布冠緇布冠始冠之冠也大古冠布齋則緇之今武冠則其遺象也太古未有絲繒殆麻布耳

三禮圖

冠等玉藻曰始冠緇布冠自諸侯下達冠而敝之可也元冠朱組纓天子之冠也緇布冠績緜諸侯之冠也元冠丹組纓諸侯之齊冠也元冠緇組纓士之齊冠也縞

冠文武子姓之冠也編冠素紕既祥之冠也垂綖五寸  
情游之士也元冠編武不齒之服也居冠屬武自天子  
下達有事然後綖

玄武之象冠之在首玄武之象也玄武貌之最嚴威者  
象在後反居首者武武至而不用者矣

春秋  
繁露

三王皮弁素積冠義始冠之緇布之冠也大古冠布齊  
則緇之其綖也孔子曰吾未之聞也冠而敝之可也適  
冠於阼以著代也醮於客位加有成也三加彌尊喻其

志也冠而字之敬其名也委貌周道也章甫殷道也母  
追夏后氏之道也周弁殷舁夏收三王共皮弁素積

禮記

五采天皇太帝北辰星也含元秉陽舒精吐光居紫宮  
中制御四方冠有五采文曰黃帝冠黃冠白帝冠曰又

黑帝冠黑文

春秋合  
疏圖

大帛狄人滅衛齊桓公封衛于楚邱衛國忘亡衛文公

大布之衣大帛之冠

左閔  
公

高冠昔齊桓公高冠博帶以治其國楚莊王鮮冠組纒

絳衣博袍以治其國

墨子

遺冠齊桓公飲酒遺其冠恥之三日不朝管仲曰此有  
國家之恥公胡不雪之以政公曰善因發囹倉賜貧窮  
論囹圄出薄罪三日而民歌之曰公胡不復遺其冠乎

韓子

鷓冠鄭子華之弟子臧出奔宋好聚鷓冠鄭伯聞而惡  
之使盜誘之八月盜殺之于陳宋之間君子曰服之不

哀身之灾也

信一  
十

獬冠楚文王好服獬冠楚國效之趙武靈王具帶鷄鶡

而朝趙國化之

淮主  
術

制冠莊王誅史里孫叔敖制冠潞衣

淮  
南

豹冠公孫屈子曰屈到豹冠

簡彛定王使單襄公聘于宋遂假道於陳以聘楚及陳氏

靈公與孔甯儀行父南冠以如夏氏單于歸告王曰陳

我太姬之後也棄袞冕而南冠以出不亦簡彛乎

國  
語

豹冠范獻子卜獵命人占之此其繇也曰君子得龜小



人遺冠范獻子獵而無得遺其豹冠

語 瓚

未能言冠哀公會晉侯吳子于黃池吳王夫差曰好冠  
來孔子曰大矣夫差未能言冠而欲冠也

殺梁 傳

舜冠哀公問孔子曰昔舜何冠孔子不對公曰有問於  
子不對何也對曰舜之為君好生惡殺任能授賢君舍

此不遵而冠是問是以緩對

家 語

文竹成王將加元服周公使人來零陵取文竹為冠

烏萃曾參鋤瓜三足烏來萃其冠

古今 注

枝木之冠盜跖責孔子曰爾作言造語言稱文武冠枝木之冠帶死牛之脅多辭繆說搖脣鼓舌擅生是非以

迷天下之主

莊子

制冠傳記言魏牟北見趙王王方使冠工制冠於前問治國於牟對曰太王誠能重國若此二尺縱則治國且安王曰國所受於先人宗廟社稷至重比之二尺縱何也牟曰大王制冠不使親近而必求良工者非為其敗縱而冠不成與今治國不善則社稷不安宗廟不血食

大王不求良士而任使其私愛此非輕國於二尺縱之

制耶王無以應

桓子  
新論

鷄鵠高祖時籍孺孝惠時閔孺婉佞貴倖與人卧起故

惠帝時郎中皆冠鷄鵠具帶傅脂粉此閔籍之屬

史記

不冠不見丞相公孫叔燕見上或時不冠至於汲黯見  
上不冠不見嘗坐武帳中黯前奏事上不冠望見黯避  
帳中敬禮如此

上

劉氏冠高祖為亭長以竹皮為冠至貴所謂劉氏冠也

後令爵非公乘母得冠劉氏冠也

漢書

竹皮今之鵲尾冠

高山冠鄴食其謁沛公衣儒衣冠側注注一名高山冠

溺冠沛公畧地陳留麾下騎士鄴食其里中子也食其

見之曰沛公吾所欲從騎士曰沛公不喜儒諸客冠來

者沛公輒解其冠溺其中未可以儒生說也

上

小冠杜欽字子夏家富而目偏盲茂陵杜業亦字子夏

時人號欽為盲杜子夏以相別欽惡以疾詆迺為小冠

廣裁一寸由是京師更謂欽為小冠杜子夏而業為大

冠社子夏

上

冠大冠盖寬饒初拜衛司馬冠大冠帶長劍躬按行士

卒之室

上

步搖冠江充召見衣紗縠禪衣冠禪纓步搖冠飛翮之

纓上見之燕趙固多竒士

上

彈冠王陽與貢禹為友陽為益州刺史禹聞之彈其冠

以待陽薦陽薦禹於成帝召為大夫

上

掛冠王莽居攝子字諫莽殺之逢萌謂其友人曰三綱

絕矣不去禍將及人即解冠掛東門而去

東觀漢記

交讓冠馬援與公孫述有舊援入蜀述見之甚喜令冠

交讓之冠立舊友之位

上

儉素為操劉虞為公孫瓚所誅初虞以儉素為操冠敵不改乃就補其穿及遇害瓚兵搜其內而妻妾服羅紈

盛綺飭時人以此疑之

後漢書

狹冠梁冀改輿服別制卑幘狹冠

續漢書

法冠劉敞字長生轉侍御史武庫火尚書郭彰率百人

自衛而不救火。瞰正色詰之。彰怒曰：「我能截君角也。」  
勃然謂彰曰：「何敢恃寵作威作福？天子法冠而欲截角，  
乎求紙筆奏之。彰伏不敢言。衆人解釋乃止。」  
晉書

歛髮襲冠。慕容廆曾祖父慕容跋見燕代少年多冠步  
搖冠好之，乃歛髮襲冠。諸部因呼之為步，援其後音訛

而為慕容。遂以慕容為氏。

崔鴻十六國春秋前燕錄

鹿皮冠。張欣泰為直閣步兵校尉，領羽林監。欣泰通涉  
雅好交結，多士名。素正直，輒着鹿皮冠，挾素瑟，有以啟

武帝曰將家兒何敢作此舉止

梁書

鹿皮冠武帝幸劉悛第帝着鹿皮冠劉悛設兔毛衾於

牖中宴樂以冠賜悛至夜乃出

齊書

獺皮冠陳伯之濟陰睢陵人也年十三四好着獺皮冠

梁書

金長冠婆利國以瓔珞繞身頭着金長冠高尺餘形如

弁綴以七寶之飾

上

崔逞舊冠崔休兼給事黃門侍郎叅定禮儀帝常閱故



府得舊冠題曰南部尚書崔逞制顧謂休曰此卿家舊

事也

後魏書

金蟬翠綵帝臨軒冠太子于太極殿舊制太子著遠避

觀金蟬蟾翠綵纓至是詔加金博山

梁書

進賢進賢冠古緇布遺象也蓋文儒之服有五梁三梁

兩梁一梁入主五梁三公三梁卿大夫尚書兩梁漢太

官令冠兩梁親省御膳為重也博士兩梁崇儒也

晉輿服志

翼善冠貞觀中太宗初服翼善冠賜貴臣進德冠因謂

侍臣曰僕起自周武帝蓋取便於軍容今四海無虞息武事此冠頗採古樣兼類幘頭乃宜常服可與袴褶通

用

唐書

冠加一星肅宗時司天韓穎奏五官正其官配五方臣請冠上加一星衣從方色

上

冠髻在首令狐德操帝嘗問丈夫冠婦人髻比高大何邪德操對曰冠髻在首君之象也晉之將亡君弱臣彊故江左士女衣小而裳大宋武帝受命君德尊嚴衣裳

隨亦變改此近事驗也

冠冕之制董晉金吾將軍沈房有暮喪公除常服入閣  
帝疑以問晉又問晉對曰古者服冠冕以佩玉節步堂  
上接武堂下布武君前趨進而已今或奔走以致顛仆  
在式朝臣皆綾袍五品而上金玉帶所以盡飾而奉上  
故漢尚書郎含香老萊綵服君父一也若然服絀纓亦  
非禮也帝然其言詔入閣官無趨走期以下喪不得以  
慘服會令羣臣衣本品綾袍金玉帶自晉而復

玉葉冠太平公主玉葉冠號國夫人夜光枕揚國忠鎖  
子帳皆輪代之寶不能計其直

明皇  
雜錄

知有持盈玉葉冠

比紅  
兒詩

輕金冠寶政二年浙東貢舞女戴輕金冠以金絲結之  
為鸞鶴狀仍飾以五綵細珠玲瓏相續可高一尺秤之

無二三分

唐杜  
陽編

狎蕩不冠嚴武鎮成都奏杜甫為參謀甫於浣花里種  
竹植樹結廬枕江縱酒嘯咏與田畯野老相狎蕩無拘

檢武過之有時不冠其傲誕如此

舊史

賣平天冠廖融潘居冲更唱迭和宋太宗懲五代之弊以詞賦論策取士融曰豈知今日詩一似大市裏賣平

天冠並無人問耶

荆湖近事

惠文武冠一曰惠文或曰趙惠文王所造或曰齊人見于歲酒澤之神名曰慶忌冠乘小車疾馳因象其冠而服焉

裂冠梁邵陵王綸於婁湖立園廣讌酒後好聚衆賓冠

手自裂破投之唾壺皆莫敢言謝舉常預宴王欲取舉  
憤舉正色曰裂冠毀冕下官弗敢聞命拂衣而退王屢

召不返甚有慚色

南史

華山宋鉞尹文為華山之冠以自表

莊子

示勇宋康王為無顏之冠以示勇

桓子新論

加首冠雖赦禮加之於首履雖新法踐之於地

六韜

通天冠通天冠一曰高山冠上之所服

三禮圖

天子通天

冠高九寸黑介幘金博山

徐廣與服雜注

通天冠金博山蟬謂

之金顏

徐爰釋

遠遊冠遠遊冠諸王所服

三禮圖

天子雜服遠遊冠太子

及諸王遠遊冠制似通天也天子五梁太子三梁

徐廣與服

雜注皇太子遠遊冠翠綫

張鏡宋東宮儀

魏文帝與于禁詔曰昔

漢高脫衣以衣韓信光武解綬以帶李忠誠皆人主當  
時貴敬功勞今以遠遊冠與將軍

章甫章甫殷冠名甫大夫也殷以之表章大夫也

釋名殷

統十二月為正其飾微大故為章甫

白虎通

孔子曰某長

居宋冠章甫之冠

禮記

宋人有資章甫而適於越越人斷

髮文身無所用之

莊子

委貌端冠一曰委貌今之進賢則其遺象也夏曰毋追

殷曰章甫周曰委貌後世轉以巧意改易其名耳

三禮圖

周襄王賜晉文公命晉侯端委而入孔朝曰侯端之衣

委貌之冠也

國語

委貌者何周朝廷理政事行道德之冠

名所謂委貌者周統十一月為正萬物始萌冠飾最小

故為委貌言委曲有貌也

白虎通



鷓冠虎賁冠插鷓尾鷓鷩鳥中之果勁者也每所櫻撮

應爪摧碎其尾上黨所貢

漢官儀

武冠加雙鷓尾為鷓鷩

羽林虎賁冠之鷓鷩勇鬪死乃止故趙武靈王以表武

士秦施用之

漢輿服志

武弁武弁大冠也士服之或曰千歲涸澤之神名慶忌

冠大冠乘小車馬好疾馳齊人服之

三禮圖

武冠一曰武

弁大冠武官冠之侍中常侍加黃金璫附蟬為飾謂之

趙惠文冠

漢輿服志

武冠或曰繁冠今謂之大冠

蔡邕獨斷

陳思

王植上疏曰臣若得辭遠遊戴武弁解朱組佩青紋乃

臣之至願也

魏志

武弁世謂之籠冠也

宋志

却敵冠却敵冠前廣四寸後高三寸衛士服之

三禮圖

却

敵冠制似進賢衛士服之

漢輿服志

却非冠却非冠宮殿門僕射服之高五寸禮不記又司

馬彪續漢書云插以燕尾

三禮圖

却非冠似長冠

漢輿服志

巧士冠巧士冠前高五寸後相通掃除從官服之禮不

記

三禮圖

巧士冠高七寸不常服唯郊天黃門從官四人

冠之在鹵簿中次乘輿車前以備宦者四星

漢輿服志

方山冠五綵方山冠各以其綵縠為之祠廟天子八佾

樂五行舞人所服

三禮圖

方山冠似進賢冠以五彩縠為

之

漢輿服志

昌邑王賀為王時冠方山冠

漢五行志

牟追母追夏后氏之道也

儀禮士冠禮

收收夏后氏冠名也言收斂髮也

釋名

夏收而祭謂之收

者十三月陽氣收本舉生萬物而達出之故謂之收

白虎

通

嘽殷嘽而祭謂之嘽者十二月施氣受化嘽張而後得

牙

上

殷人嘽而祭編衣而養老

禮記

法冠法冠一曰柱後惠文一曰獬豸冠柱高五寸以縱

裏鉄柱卷秦制法冠服之禮不記

三禮圖

法冠秦制執法

者服之天子冠通天漢制之侍中中常侍皆冠惠文加

貂附蟬

蔡邕獨斷

太傅胡公說春秋左氏傳有南冠而縈者

則楚冠也秦滅楚以其服賜執法近臣御史服之

漢典服志

武冠一曰武弁大冠侍中中常侍加黃金璫附蟬為文

貂尾為飾為之趙惠文冠上定王使單襄公聘於宋假

道於陳陳靈公與孔寧儀行父南冠以如夏氏留宿不

見單子歸告王曰陳侯棄衮冕而南冠以出不亦簡彛

乎簡畧彛常也言簡畧常服犯先王之令國其亡乎賈

逵曰南冠楚冠也國語張故弟武為梁相故遣吏送之曰

何以治梁武曰馭黠馬者利其御策當以柱後惠文彈

治之耳秦獄吏冠柱後惠文冠如淳曰螭蟬也冠細如

蟬翅今御史冠也漢書昌邑王賀短衣大袴冠惠文冠服

處曰武冠也趙惠文所服故號惠文上侍御史周官也

為柱下史冠法冠一曰柱後以鉄為柱言其審固不撓

或說古有獬豸獸主觸不直故執憲者以角形為冠耳

漢官儀侍御史朱放請復置朱衣豸冠於內郎有犯者御

史服以彈後御史張著服之以彈京兆尹嚴郢唐書

樊噲冠樊噲冠楚漢會於鴻門項羽圖危高祖樊噲聞

急乃裂衣苞楯戴以為冠排入羽營輿服雜事

夜光上元夫人戴九星靈芝夜光之冠漢武內傳

晨嬰王母戴太貞晨嬰之冠履嬰璫鳳文之舄

上

芙蓉神仙服食經曰漢武帝閒居未央殿有人乘白雲  
車駕白鹿冠芙蓉冠曰我中山衛叔度也又陶元景貞  
誥曰桐栢山真人王子喬戴芙蓉冠著朱衣以朱綴縫  
帶劍金棺葬狗

北斗曹植與陳琳書曰夫披翠雲以為衣戴北斗以為  
冠帶虹霓以為紳連日月以為佩此服非不美也然而  
帝王不服者望殊於天志絕于心矣

骨蘇高麗冠曰骨蘇多以紫羅為之

周書

冕

垂旒冕大夫以上冠邃延垂旒紃纁昔者黃帝初作見

說文冕所以前後邃延者何示進賢退不能也垂旒者示

不視邪纁塞耳示不聽讒故水清無魚人察無徒明不

尚極知下故禮曰天子玉藻十有二旒前後邃延也

白虎

通黃帝作旒冕宋均曰通帛為旒冕冠之有旒應劭云

周始垂旒也

世本

黃帝戴黃冕

三禮圖

禮



祭服祭服曰冕冕猶俛俛平直貌也珠上纁下前後垂

珠有文飾也

釋名

麻冕麻冕者何周宗廟之冠也十一月之時陽氣俛仰黃泉之下萬物被施如冕前俛而後仰故謂之冕也所以用麻為之者女功之始示不忘本不以皮皮乃太古未有禮聞之服也

白虎通

弁師弁師掌王之五冕豸冕朱裏延紐冕緹之覆也紐小鼻笄所貫也五綵繅十有二就繅合五色絲為之垂

于延之前後各十有二所謂邃延也就迎也繩之每一  
匝而貫五綵玉十二苻則十二玉也

周禮

司服司服掌王之吉及祀昊天上帝則大裘而冕祀五  
帝亦如之六服同冕享先王則衮冕享先公饗享外則  
鷩冕祀四望山川則毳冕祭社稷五祀則緌冕祭羣小  
祀則麻冕

上

冕而祭有虞氏皇而祭周人冕而祭皇冕屬畫羽飾之

禮記

冕而舞諸侯冕而舞大武諸侯之借禮也 上

天數王戴冕璪十有二旒則天數也 上

玄冕玄冕齋戒鬼神陰陽也陰陽夫婦 上

文為貴天子之冕朱綠藻十有二諸侯九上大夫七下

大夫五士三此以文為貴也 禮記

恐卧魏文侯問於子夏曰吾端冕而聽古樂則惟恐卧

鄭玄曰端曰衣 樂記

敬色君子端冕則有敬色 表記

前旒古者冕而前旒所以蔽明黜曠塞耳所以揜聽也

大戴禮

冕危石龍逢諫桀曰臣觀君之冕非冕冕危石觀君之履非履履春水未有冠危石而不壓蹈春水而不陷也

符子

三命周襄王賜晉文公命晉侯端委入太宰以王命命之冕服內史贊之三命而後即冕服

國語

蔽冕晉士會帥師滅赤狄晉侯請于王戊申以蔽冕命

士會將中軍且為太傅

左傳

德賞公還及方城季武子使公治問問公起居公治季氏屬大夫公與公治冕服以卿端冕賞之固辭而後受公治疾聚其臣曰我死必無以冕服歛非德賞也言公畏季氏而賞其使非以我有德

衆六

裂冠毀冕王使詹桓伯辭於晉曰我在伯父猶衣服之有冠冕未水之有本源民人之有謀主伯父若裂冠毀冕拔本塞源專棄謀主雖戎狄其何有余一人

昭三

定冕制漢明帝採尚書卑絲及周官禮記以定制冕皆

廣七寸長尺二寸係白珠子其端十二旒三公及諸侯

九旒卿七旒

禁冕  
獨斷

秦除六冕之制明帝漢明帝也永平

中使諸儒案古文始復造袞冕

擊氏決  
疑要注

彰德郭賀拜荊州刺史明帝巡狩到南陽特見嗟嘆賜

以三公之服黼黻旒冕勅去檐露冕使百姓見此衣服

以彰其德

陳壽益部  
耆舊傳

用白珽珠初中興儀服不備又冕旒飾以翡翠珊瑚雜

珠顧和奏舊冕十二旒皆用玉今不能得玉可用白玼

珠於是始下太常治改

晉中興書

大冕郊祀明帝詔曰滕以大冕郊祀天地宗祀明堂以治冕祀太廟元正大會朝諸侯以絺冕小會宴嚮餞送

諸侯臨軒命王公以繡冕征伐不賓講武校獵

宋記

黃錦六等之冕皆有黹纁黃錦為之其大如橘自皇太

子以下並犀導青纓

隋書

繁露牛亨問曰冕旒如繁露何也答曰綴而下垂如露

之繁多故曰繁露

古今注

圓方制冕皆前圓後方朱裏朝上

三禮圖

高下冕者俛也後高前下有俯伏之形

黃帝作冕黃帝作冕垂旒目不邪視

通典禮篇

堯舜為堯舜以德化為冠冕

王制

用玉珠叔孫通制禮多依周法古今冕俱廣八寸長尺六寸前圓後方漢用白玉珠各十二三公九青珠二千

石七黑珠

上



魏用珊瑚魏因漢故事明帝好婦人之飾改以珊瑚

通典

設司服後周設司服之官掌皇帝十二冕祀昊天則蒼冕五帝各隨其方色朝日同青冕夕月同素冕地祇同黃冕神州社稷同元冕享先生加元服笄象冕享先帝食三老耕籍等以衮冕視朝大射等以山冕視朝臨法門適宴等以鷩冕皆十有二旒

通典

用采玉北齊採陳之制旒玉用五采以組為纓色如其

綬其四時祭祀封禪皆服衮冕

上

垂組纓隋採北齊之法袞冕垂白珠十二旒組為纓色  
如其綬充耳玉笄裴正奏色並用元

上

去珠玉乾德元年閏十二月詔乘輿所服冠冕去珠玉

之飾

長編

改組紘元豐四年臣僚言古者冕弁則用紘冠則用纓  
今衣服令乘輿服大裘冕以組為纓色如其綬袞冕朱  
絲組帶為纓冕而用纓不與禮合請改用朱組紘仍改  
平冕為元冕用纓不赤而微黑者又別圖改上鞬制從

之

品服衮冕者一品之服也鷩冕者二品之服也毳冕者  
三品之服也絺冕者四品之服也端冕者五品之服也  
平冕者郊廟武舞郎之服也爵弁者六品以下九品以  
上從祀之服也武弁者武官朝叅殿廷武舞郎堂下鼓  
人鼓吹按工之服也弁服者文官九品公事之服也

與服

雜志

執玉子路問於孔子曰有人於此披褐而懷玉如何

曰國無道隱者可也國有道則衮冕而執玉

家語

平天宋更名曰平天冕天子郊禮及宗廟服之

通典

貂蟬冠貂蟬冠胡服也貂者取其有文而不煥外柔而

易內剛而勁蟬者取其清虛而識時變在位者有文而

不自耀有武而不示人清虛自牧識時而動

古今注補冠

帽

帽釋名曰帽冒也

冒絮漢薄太后以冒絮提文帝

晉輿服志

紫綸帽趙飛燕為后其弟在昭陽殿遺飛燕書曰今月  
嘉辰貴姊懋膺大冊上遺金花紫綸帽以陳踴躍

白綸帽孟達與諸葛亮書曰貢白綸帽一顏以示微意  
皂帽管寧在家恒着皂帽布裙隨時單複

魏志

織成帽朱然破魏將李典等軍斬首五百級得鼓車三

乘拜然左大司馬加錫御織成帽

吳書

翠帽陸遜破曹休於石亭還上脫翠帽以遺遜

上

遺帽王濛字仲祖美姿容居貧帽敗自入肆買之姬悅

其貌爭遺新帽

晉書

金鏤石季龍將獵頭冠金鏤之帽

蕭方等三十回春秋

季龍獵着

金鏤織成合歡帽

陸翹鄴中記云

狐皮帽沈慶之隨宗慤等代河北諸山蠻大破之威震

諸山羣蠻皆稽顙慶之患頭風好着狐皮帽羣蠻惡之

號曰蒼頭公

宋書

簪帽陸側元凶劭姓生三日帝往視之簪帽甚堅無風

而墜于劭側上不悅

上

鹿皮帽何尚之大明二年以左光祿開府儀同三司侍  
中如故尚之在家常着鹿皮帽及拜開府天子臨軒百  
僚陪位沈慶之於殿廷戲之曰今日何不着鹿皮冠上

四種帽東昏侯自造遊宴之服綴以花采錦綉羣小又  
造四種帽帽因勢為名一曰山鵲歸林以詩曰鵲巢夫  
人之德東昏寵嬖淫亂故鵲反藪二曰兔度坑天意言  
天下將有逐兔之事也三曰反縛黃離嚙黃口小鳥也  
反縛之應也四曰鳳凰度三橋鳳凰者嘉三橋梁王宅

處也

書

破後帽永明中蕭詵開博風帽後羣之製又為破後帽  
世祖崩後建謀廢正誅滅諸王

上

黃綸帽徐龍駒常住含章殿着黃綸帽被貂裘南面向  
案代帝書勅

上

烏紗帽豫章王嶷妃庾氏常有病廖上幸嶷邸後堂設  
金石樂官人畢至登桐臺使嶷着烏紗帽因極宴盡歡  
脫帽到溉嘗夢武帝遍見諸子至湘東而脫帽與之於



是尤敬事焉

書梁

初賀革之江陵也意甚不悅過別御史

中丞江革以情告之答曰吾常夢主上遍見諸子惟至  
湘東王手脫帽以與之此人後必當壁卿其行乎

上

三布帽沙門寶誌忽重着三布帽亦不知於何得之俄  
而武帝崩文惠太子豫章文獻王相繼夢

上

襍采帽倭國男女皆露髻富貴者以錦繡雜采為帽似

中國胡公頭

上

將刑索帽庾信遠字士操清實有仕譽仕齊為江州長

史刺史陳題達舉兵敗斬於朱雀航將刑索帽着之曰  
子路結纓吾不可以不冠而死 上

白紗帽桓崇祖為豫州刺史魏攻壽春崇祖着白紗帽  
肩輿上城決水破之

簪荷為帽安開者安成之俗師也善於幻術時王凝之  
為江州相王當行陽為王刷頭簪荷葉以為帽與王著  
當時亦不覺帽之有異到座之後荷葉乃見舉坐驚駭

王不知

幽明錄

皂帽辛紹先有至性丁父憂三年口不甘味頭不櫛沐

髮遂落盡故常垂着裙皂帽

後魏書

紗帽絨帽齊制宮內唯天子紗帽臣下皆絨帽特賜平

秦王歸彥紗帽以寵之

上

側帽獨孤信在秦州嘗因獵日暮馳馬入城其帽微側

詰旦而吏人有戴帽者咸慕信而側帽焉

後周書

司徒帽高昂轉司徒公好着小帽世因稱司徒帽

後魏書

坵上加帽后魏元孚貌短而禿性機辨周文以酒十坵

上皆加帽戲之乎曰吾兄弟甚無禮竊入王家宜早還家因持酒歸周文撫掌大笑

史

艾帽陳陳暄為后主狎客後傲弄轉甚后主不能容搏艾為帽使加于首熱之然及髮垂涕求哀弗什柳莊遽起發之并悸死

上

哭騎帽後周之時着突騎帽如今胡帽垂裙覆帶蓋索髮之遺象也又文帝項有瘤疾不卻人見每常着馬相魏之時着而謁帝故後周一代將為雅服小朝公宴咸

許戴之

隋書

著穀帽唐初以穀為之以隔風塵

唐寶錄

練帽自表唐李晟收京師每與朱泚戰必錦裘繡帽自表李懷光惡之箴曰將務持重豈宜自表裸為賊餌哉晟曰昔在涇原士頗相畏伏欲令見之奪其心耳

本傳

闕

田秀榮潛與道或以告還曰晨出戰以碧帽為識視之如言盡覆其衆還輒日中誘之也請以精騎往易為識

研硝帽汝陽王璉戴研硝帽打曲明皇自摘紅槿花置帽上極滑久而方安喚曰花奴

壓耳帽代宗禁帽皂衫壓耳帽以異官

唐書

危帽散衣李紳河南惡少危帽散衣

白孔六帖

研光帽李珣子七歲夢王母宴羣仙舞者帶研光帽帽

上簪花舞山香曲未終百花盡落仇池筆記作李陶子

好戴大帽蜀王衍晚年俗競為小帽僅覆其頂俛首即

墮謂之危腦帽衍以為不祥禁之而衍好大大帽

五代史

臧顏蛤王仲郎坦之與楊公絕不相得王謂林公危辨  
陳公道王云着臧顏蛤綸巾布衣挾左傳逐鄭康成車  
後問是何物塵垢囊世說林公云文度着臧顏挾左傳逐  
鄭康成自為高足弟子篤而論之不離塵垢囊也語林

巾

謹修四教巾謹也二十成人士冠庶人巾當自謹修於

四教也

釋名

承露兩複結謂之幘巾或謂之承露巾或謂覆髮巾

方言

帽巾光武徵鮑永永疑不至及更始亡乃發去上將軍

列侯印綬悉罷兵但幅巾與諸將詣河內幅巾謂不着

冠但幅巾束首也

後漢書

華歆為豫章太守孫策畧地歆

知策善用兵乃幅巾迎策

魏志

禿巾曹操既猜嫌忌孔融令丞相軍謀祭酒路粹枉狀

奏融云位為九列不遵朝儀禿巾微行唐突宮掖

後漢書

巾幘諸葛亮出斜谷司馬宣王拒之堅壁不與戰亮致

巾幘婦人之飾以怒宣王

魏志



葛巾諸葛武侯與宣王在渭濱將戰宣王戎服蒞事使人視武侯乘素輿葛巾毛扇指揮三軍皆隨其進止宣正聞而嘆曰可謂名士矣

蜀書

縑巾漢末王公多委王服以幅巾為雅袁紹崔鈞之徒雖為將軍皆着縑巾太祖以天下未定擬古皮爾裁縑帛以為之帙合簡易隨時之義以色別貴賤可謂軍容非國容也

傳子

飾巾何進袁隗欲特表陳寔以不次之位寔謝四火絕

人事歸巾待終而已

大刀巾王敦欲伐甘卓遣使送大刀巾

晉書

着白綸巾謝萬字萬石簡文辟為從事中郎着白綸巾

鶴氅裘版而前帝與談移日

上

葛巾漉酒陶潛在家郡將侯潛值其酒熟取頭上葛巾

漉酒還暴着之

宋書

賜鹿皮巾武帝賜陶元景以鹿皮巾後屢加禮聘並不

出

梁書

武帝與何點有舊及踐祚手詔論舊賜以鹿皮巾

等召之點以巾褐引入華林園

上

脫白綸巾賀德基少遊學都門積年不歸衣資罄乏又  
恥服故敝盛冬止衣袂襦袴嘗於白馬寺前逢一婦人  
容服甚盛呼德基入寺門脫白綸巾以贈之仍謂曰君  
方為重器不久貧寒故以此相遺耳問姓名不答而去  
鬻巾自業王僧孺遷尚書左丞俄兼御史中丞僧孺幼  
貧其母鬻紗巾以自業

上

折角巾宣政元年初服常冠以皂紗為之加簪而不施

纓其制若今之折角巾也

後漢書

桐子巾隋大業十年左丞相牛儒下議請着桐子巾以

桐木為之內皆漆詔從之

劉馮事始

剪紙帖巾張易之兄同休嘗謂王公大臣宴於司禮寺

因謂御史大夫楊再思曰公面似高麗請作高麗舞再

思欣然剪紙自帖其中反紫袍遂作之

唐書

踣樣巾武后擅政多賜羣臣巾子綉袍靳以回文之銘

皆無法度不足紀至中宗又賜百官英王踣樣巾帝在

藩時冠也

車服志

以葛為巾武攸暨安樂公主出降遣通事舍人李邈以璽書邀之詔見曰以葛為巾不名不拜

自製巾裴冕自製巾子工甚人爭效之號僕射巾

孔帖

夾羅巾唐文宗性儉素不喜華侈駙馬韋處仁戴夾羅巾帝謂之曰慕卿門第清素以之選尚如此巾服從他戚為之惟卿非所宜也

聞變不及巾李愿節度鳳翔用婚家寶綏典帳中兵驕

驚息沓衙將李臣則等因衆不忍夜斬綏首愿聞變不  
及巾與左右數人縋而逸

圓頭巾楊供奉官及詣司長官則有羅巾圓頭巾子後

遂不改

車服志

以珠飾巾昭宗播遷於鳳翔朱梁率諸道甲馬奉迎車  
駕時侯王將帥在歧下者皆以珠一顆盤幘頭脚貫以  
銀線而簪之又軍人咸以珠飾巾競相誇尚洎朱梁篡  
立乃知珠已居人上者久矣

秦再思  
紀異

辟塵巾皇甫玄真于新羅得一辟塵巾持與高瑀乞田  
知性命翌日試于郭外時久旱塵埃且甚高顧視馬尾  
鬣及左右騶從並無纖塵執之體覺虛涼

西陽  
器奇

尖巾前蜀王衍好裹尖巾其狀如錐

車服  
志

白接籬山簡鎮襄陽優游卒歲唯酒是耽諸習氏荆土  
豪族有佳水池簡每出嬉遊多之池上置酒輒醉名之  
曰高陽池時有兒童歌曰山公出何許徃至高陽池日  
夕倒載歸酩酊無所知時時能騎馬倒着白接籬舉鞭

向葛彊何如并州兒彊家在并州簡愛將也

晉本傳

幘

覆髻覆髻謂之幘巾或謂之承露或謂之覆髻皆趙魏

之間通語也

方言

不冠之服幘古卑賤執事不冠者之所服也

漢官儀

無屋未冠童子幘無屋者未成人也入學小童幘也句

卷屋示尚幼小未遠冒也

通典

哲幘齊侯伐晉夷儀東郭書讓登犂彌從之

云

云

齊侯



賞犂彌犂彌辭曰有先登者臣從之哲幘而衣貍裘哲  
白也齒上下相值製裘也

上

首飾古者有冠無幘秦加其武將首飾為絳栢以表貴  
賤後稍作顏題漢興續其顏却結之施巾連題却覆之  
今喪幘是也至孝文乃高顏續為之耳崇其中為屋貴

賤皆服之

漢興  
服志

綠幘武帝從館陶公主飲董偃綠幘傳鞞伏殿下乃贊

曰館陶公主庖人臣偃昧死再拜謁

漢書

絳衣赤幘光武初起與諸李市弓弩絳衣赤幘

東觀漢記

坦幘馬援初見帝令中黃門引入上在宣德殿南軒下

坦幘坐援曰陛下何知臣非刺客姦臣而簡易若是

上

幘見寡嫂馬援外類儻蕩簡易而內重禮事寡嫂雖在

閨內必幘然後見

上

幘壞不改巴祇字敬祖為揚州刺黑幘毀壞不復改易

以水澡墨傳而用之許慎說文曰澡洗也

後漢書

幘肆許劭字子將劭知人入幘肆拔樊子昭

續漢書

脫幘間出孫堅屯七梁東為董卓所攻衆少而不敵與  
其驍騎潰圍得出常着赤罽幘卓騎追堅堅脫罽幘令  
親近持祖茂着之堅從間道得出

春秋

冠幘顧悌字子通疾篤妻出省之悌命左右自扶起冠  
幘加襲令妻還真潔不黧如此

吳書

隋機就穿屣顛字子嵩性儉家富劉與說東海王越令  
就換錢千萬冀其有吝因此可乘越於衆坐中間顛顛  
顏然已醉幘墮機上以頭就穿取徐答示下官家故有

兩千萬隨公所取矣與於是乃服越甚喜

晉書

脫幘投地檀道濟數拒魏有功及誅憤怒氣盛目光如炬俄爾間引飲一斛乃脫幘投地曰乃壞汝萬里長城

宋書

裂冠毀冕謝舉臨川始興諸王常所遊踐邵陵王綸於婁湖立園廣燕酒後好聚衆賓冠手自裂破投之唾壺皆莫敢言舉嘗預宴王欲取舉幘舉正色曰裂冠毀冕下官弗敢聞命拂衣而去王屢召不反甚有慙色

梁書

着幘不安平秦王歸彥額骨三道着幘不安文宣見之  
怒使以馬鞭筭其額血出面曰爾反時當以此骨三道

後歸彥竟反云

比齊書

施屋漢元帝額有壯髮不欲使人見始進幘服羣臣皆  
隨焉向無巾王莽頭禿因施巾故里語曰王莽禿幘施

屋

林邑獨斷

庫幘梁冀改易輿服之制作平上駟車庫幘狹冠也

漢書

幘皆顏短桓帝延熈中梁冀誅後京師作幘皆顏短耳

長短上長下以為服妖

輿服雜事

平幘公孫瓚字伯珪上計吏郡太守劉基以事公車徵

伯珪禱衣平幘御車洛陽身執徒養

英雄記

白帟無顏昔魏武軍中無故作白帟此喪徵也白橫縫

其前名之曰顏晉永嘉初乃去其縫名無顏幘其後綴

平四海分崩下因悲嘆無顏以生也

搜神記

涉水幘溼晉明帝年少不倫常微行詔喚入以衣幘迎

之涉水過衣幘悉溼元帝已不重明帝忽復有此以為

無不廢理既入幘不正元帝自為正之明帝大喜

林語

紺幘改素哀帝隆和元年太學博士曹攸之等議立秋

應讀今不應着紺幘改為素

晉書  
要事

紺幘謁者着紺幘大冠

漢官

赤幘凡救日蝕者皆着赤幘以助陽也侍臣皆赤幘帶

劍

摯虞  
夫疑

翡翠幘交趾蒼梧俗以翡翠為幘

廣志

介幘中書監令着介幘

衣

衣始世本曰胡曹作衣宋衷注曰黃帝臣也

隱形衣者隱也裳者韜也所以隱形自韜蔽也

白虎通

庇寒暑衣者依也人所依以庇寒暑也

釋名

衣襟衣梳謂之視黼領謂之裸緣謂之純衽謂之裳衣  
皆謂之襟袂謂之裾衿謂之裾佩衿謂之褱執衽謂之  
袪扱衽謂之頤衣蔽前謂之襜婦人之褱謂之縞縞綏

也裳削幅謂之緹

爾雅



治絲麻孔子曰昔先王未有火化食草木之實鳥獸之肉飲其血茹其毛未有絲麻衣其羽皮後果有作治其

絲麻以為布帛

禮器

昭物臧哀伯曰衮冕黻珽帶裳幅舄衡紃紕紕昭其度也藻率鞞鞶鞶厲游纓昭其數也火龍黼黻昭其文也

五色比象昭其物也

二相

藍縷樂武子曰訓之以若敖蚡冒篲路藍縷以啟山林

宣下

不得曳地文帝衣弋絺所幸慎夫人令衣不得曳地

史記

三服齊國有三服之官奉獻冠幘縱為首服執素為冬

服輕綃為夏服

漢書

錦衣武帝末郡國賊盜羣起暴勝之為置指使者衣錦

衣持斧捕之

上

褒衣朱博為瑯琊太守勅官屬多作褒衣大袪不中節

度自冬掾吏衣皆令去地三寸

上

上褚下褚帝賜南粵玉佗上褚五十衣中褚三十衣下

褚二十衣

常服見上江充初召見犬臺宮自請願以所常被服冠見上上許之充衣紗縠禪衣曲裙後垂交輸冠禪纒綴搖冠飛翮之纓容貌甚壯帝望而異之謂左右曰燕趙固多奇士

上

盛服至門雋不疑佩環玦褒衣博帶盛服至門下謁暴勝之

上

衣服鮮明王吉字子陽好車馬衣服自奉養極為鮮明

而遷徙所載不過褻衣天下服其潔而怪其奢世傳陽  
能作黃金也

上

庖人着綉更始時授官爵皆羣小賈豎膳夫庖人多着  
綉而衣錦袴襜褕諸子罵詈道中時智者見之以為服

之不中身之災也

後漢

衣韋祭遵為人廉節家無私財常衣韋袴寢布被夫人

裳不加綠

上

無兼副祭彤在遼東幾三十年衣無兼副題宗美其清

約賜之衣被什物無不悉備

上

衣屨耿恭自疏勒還衣屨穿敝形容枯槁

上

衣大練明德為后身長七尺二寸方口美髮能卜易好  
讀春秋常衣大練裾不加緣朔望諸姬主朝請望見后  
袍衣疎麗反以為綺縠就視乃笑后辭曰此繒特直染  
色故用之耳六宮莫不歎息

上

青絳采衣袁忠乘船戴笠詣王朗見朗左右僮從皆着

青絳采衣非其奢麗即辭疾發而退

謝承後漢書

賜服郭賀拜荊州刺史有殊政題宗巡狩到南陽特見  
嗟嘆賜以三公之服黻黼冕旒勅行部去襜幘令百姓  
見其容服以彰有德

上

三世長者文帝詔曰三世長者知被服五世長者知飲  
食此言被服飲食難曉也

魏志

白布阜衣明帝徵管寧為光祿勳辭不就詔問青州刺  
史程喜寧守節高乎審疾至頓頭喜上言寧相着阜帽  
布襦袴而裙隨時單複出入閨庭能自任杖不須扶持

四時祭祀輒自力強改加衣服着絮巾故在遼東所有  
白布单衣親薦饌饋跪拜成禮

上

玉衣覆上文昭甄后以漢光和五年十二月丁酉生每  
寢寐家中髣髴見有人持玉衣覆其上者常共恠之

魏

衣敗清吏王允為吏部郎中選郡守明帝疑其所用非  
次召入將加罪允妻阮出謂曰明主可以理奪難以請  
求允領之而入帝怒詰之允對曰某郡太守雖限滿文  
書先至年限在後月限在前帝取事視之乃釋遣山望

其衣敗曰清吏也

呂氏春秋

賜衣百領孫權每賜周瑜衣寒暑皆百領諸將皆不能

及

吳書

如廁易新石崇以奢豪矜物廁常有十餘婢列侍置香粉有容如廁皆易新衣而出客多羞脫故而王敦脫故

着新意氣無怍婢相謂曰此必能作賊

晉書

韋布衣高士郭文字文舉河內軹人也洛陽陷入吳居大辟山恒着鹿裘葛巾餘杭令顧颺與葛洪造之颺使



致韋布衣不納使置室中乃爛於內竟不服用上今本  
作袴褶一具

百結董威輦不知何許人忽見洛陽止宿白社中於市  
得殘許繒輒結以為衣號曰百結衣王隱  
晉書

不容換服沈慶之領隊防東掖門劉湛被收之夕上開  
門召慶之慶之戎服履韎縛袴入上見而驚曰卿何意  
乃爾急裝慶之曰夜半喚隊主不容換服宋書

着小皮衣明帝體肥憎風夏月常着小皮衣上

召著黃羅明帝疾召褚彥回入帝坐帳中流涕曰吾近  
危篤故召卿欲使著黃羅耳指床頭大函曰文書皆函  
得不復開彥回亦悲不自勝黃羅襪乳母服也

上

增損制度范曄性精微有思致觸類多善衣裳器服莫  
不增損制度世人皆法學之

上

潞衣稱疾江湛字微深為吏部尚書家甚貧不營財利  
餉饋盈門一無所受無兼衣餘食嘗為上用召遇潞衣  
稱疾經日衣成然後起

上

不衣自煖謝超宗為義興太守昇明二年公事免詣東府門自通其日風寒高帝謂曰座曰此客至使人不衣

自煖

上

白服侍宴宋元嘉制諸王入齋各得自服裾帽見主人唯出太極西廂乃備朝衣車駕幸其弟乃白服烏紗帽以侍宴焉至於衣服制度動皆陳啟事無專制

齊書

裁減稱體高帝即位後手詔賜張融衣曰見卿衣服粗故成乃素懷有本交爾藍縷亦虧朝望今送一通故本

意謂雖故乃勝新也是吾所着已令裁減稱卿之體衣

履一量

上

脫朝服陶元景永明十年脫朝服掛神武門上表辭祿

詔許之

上

衣垢不前王思遠立身簡潔諸客詣已者覘知衣服垢穢方便不前儀形新楚乃與促膝雖然及去之後猶令

二人交帚拂其坐處

上

戒嚴須紫王琨性儉約景和中討義陽王昺六軍戒嚴

應須紫服左右欲雲辨琨曰元嘉初征謝晦有紫服在  
匣不須史製檢取果得焉

朝服穿補劉溉性率儉不好聲色庭室單牀傍無姬侍

冠履十年一易朝服或至穿補

梁書

衣裳熨焦何敬容為吏部尚書侍中領太子中庶子敬  
容身長八尺白哲美鬚眉性矜莊衣冠鮮麗武帝雖衣  
而左右衣必須潔嘗有侍臣衣帶卷摺帝怒曰卿衣帶  
如繩欲何所縛敬容希旨故益鮮明常以膠清刷鬚衣

裳不整伏牀髮之或暑月皆為焦

上

冬月葛帔任昉有子東里西華南容北庾西華冬月着

葛帔練裙

上

遺裙衫迎任昉為義興太守友人彭城劉溉弟洽從昉  
共為山澤遊及被代登舟止有絹七疋米五石至都無  
衣鎮軍將軍沈約遺裙衫迎之

上

着百戲衣樂浪王萬壽孫忠明帝時位太常少卿孝武  
帝汎舟天泉池命宗室諸王陪宴忠愚而無智性好衣

服着紅羅襦繡作領碧納袴錦為緣帝謂曰朝廷衣冠  
應有常式何為着百戲衣忠曰臣少來所愛情存綺羅  
歌衣儻服是臣所願帝曰人之無良乃至此乎

後魏書

華靡見譏胡叟於高允館中見書侍郎李璨被服華靡  
叟貧老衣褐璨頗忽之叟謂曰老子今若相脫體上袴  
褶衣帽君欲作何計也譏其唯假成服璨惕然失色

上

絕食啗袖文宣因元韶幽於京畿地牢絕食啗衣袖而  
死

上

竇走易衣爾朱敞字乾羅彥伯之誅敞小隨母養於宮  
中年二十敞自竇走大街見童兒羣戲解所著綺羅金  
翠服易衣而遁追騎至不識敞便執綺衣兒比究門知

非會日已暮由是免

北齊書

絲袍拂踝徐陵為吏部尚書精簡人物縉紳之士皆嚮  
慕焉陳暄以玉帽簪插髻紅絲布裹頭袍拂踝靴至膝  
不陳爵里直上陵坐陵不知識命吏持下暄徐步而出  
舉止自若竟無怍容作書謗陵陵甚病之

陳書



衣繼縷齊後主於苑內作貧兒村親衣繼縷之服而行乞其間以為笑樂多令人服烏衣以相執縛後主果為

周所敗被虜妃后窮困至以賣燭為業

隨書

差等太宗詔冠冕制度已備令文尋常服飾未為差等

於是三品以上服紫四品以上服緋六品七品以綠八

品九品以青婦從夫之色仍通服

唐書

鳴玉曳組李綱帝以舞工安叱奴為散騎常侍綱諫曰魏武使禰衡擊鼓衡光解朝衣曰不敢以先王法服為

伶人衣今先令舞胡鳴玉曳組位五品趨丹地殆非創  
業垂統貽子孫之道

衣婦人服李密簡驍勇數十人衣婦人服戴幕內離藏  
刀裙下詐為家婢要者入桃林傳舍須臾變服出據其  
城

制六服閭立德遷尚衣奉御制袞冕六服晉輿傘扇咸  
有典法

羽裳吹簫張易之時無檢輕薄者又謠言昌宗乃王子

晉後身使被羽裳吹蕭乘寓鶴裴回庭中如仙去狀  
刺繡楊妃寵愛特甚宮中主貴妃刺繡者七百人楊益  
及諸戚里每歲進衣服布之於庭光奪人目

紫袍主事楊國忠侍郎韋見素張倚與本曹郎趨走堂  
下抱按牘國忠顧女弟曰紫袍二主事何如皆大噓  
奇服立宗貴妃楊氏奇服變化若神

衣帶絕孫孝哲契丹部人祿山對側門俟召衣帶絕不  
知所為孝哲箴縷素具徐為紉綻祿山大悅

覆以已袍安祿山林甫稍厚之引至中書覆以已袍

寶雞袍賜安祿山品目有金鶯紫羅緋羅立馬寶雞袍

西陽  
雜俎

結今生緣開元中賜遣衣製自宮中有軍校袍中得一

詩云留意多添線含情更着綿今生已過了重結後生

緣持詩白帥帥以聞明皇問之有一宮人自言萬死即

以嫁得詩者與汝結今生緣

本事  
詩

朝服黃裙天寶初貴族及士民好為胡服胡帽婦人則

簪步搖釵衫袖窄小楊貴妃常以假鬢為首飾而好服黃裙近服妖也時人為之語曰義髻拋河裏黃裙逐水流

百鳥毛裙安樂公主使尚方合百鳥毛織二裙正視為一色旁視為一色日中為一色影中為一色而百鳥之

狀皆見以其一獻韋后

五行志

碧羅籠裙安樂公主初出降益州獻單絲碧羅籠裙縷金為花鳥細如絲髮大如黍米眼鼻觜甲皆備瞭視者

方見之

着白者山人李泌肅宗即位欲授以官固辭願以客從  
入議國事出陪輿輦衆指曰着黃者聖人着白者山人  
帝聞因賜金紫

縫戰士衣肅宗廢后張氏駐靈武產子三日起縫戰士  
衣太子敕止對曰今豈自養時耶

已三浣肅宗性節儉嘗出衣袖示近臣曰此衣已三浣  
矣

乞襦袴初德宗居奉天儲蓄空窘嘗遣卒視賊以苦寒

乞襦袴帝不能致別親王帶金而鬻之

食貨志

蜀襦袍韋綬德宗時為翰林學士帝嘗幸其院韋妃從會綬方寢學士鄭相欲馳告之帝不許時大寒以妃蜀襦袍覆而去其待遇若此

文綵非制貞元六年德宗初賜節度觀察使新製時服尚方織作呈閱所宜上曰頃來賜衣文綵不恒非制也朕今思之節度使以雕銜綬帶取武毅以靖封內觀察

使以鴈銜威儀委取其竹列有序牧人有威儀也

褐衣到闕下陽城德宗召拜諫議大夫遣長安尉楊寧齋束帛詣其家城褐衣到闕下辭讓帝遣中人持緋衣衣之

親紉綻衣和政公主代宗以主貧詔諸節度餉億主一不取親紉綻裳衣諸子不敢服紉絺

綠袍木簡楊炎道州還也家人以綠袍木簡棄之炎止曰吾嶺上一逐吏超登上台可常哉且有非常之福必



有非常之禍安可棄是及貶還所服

無文綺飾盧懷謹服無文綺之飾

解衣衣之陸贄帝親倚至解衣衣之同類莫敢望

垢衣敗服武儒銜宰相鄭餘慶不事華潔門下客多垢衣敗服獨儒銜上謁未嘗有所易

常衣垢弊蕭復傳常衣垢弊

澣衣小節柳公權嘗與六學士對便殿帝稱漢文帝恭儉因舉袂曰此三澣矣學士皆賀獨公權無言帝問之

對曰人主當進賢退不肖納諫諍明賞罰服瀚濯之衣  
此小節爾

朝服擅着賈直言始劉悟子從諫責甚見直言輒衣紫  
擁笏以兵自衛直言諫悟曰郎少年無使襲山東熊朝  
服可擅着耶

踰制得罪文帝朝淮南節度使李德裕奏比以婦人長  
裾大袖朝廷制度尚未頒行微臣之分合副天心比聞  
閭閻之間神闊四尺今令闊一尺五寸裾曳四尺今曳

五寸初延安公主以衣服踰制駙馬竇滸得罪德裕因而奏之

正服李德裕臣在先朝嘗獻大明賦以諷二曰正服諷服御非法也

視衣製廣狹漢陽公主文宗尤惡世流侈因主入問曰姑所服何年法也今之弊何代而然對曰妾自貞元時辭宮所服者皆當時賜未嘗敢變元和後數用兵悉出禁藏織麗賞戰士由是散於人間內外矜似以成風若

陛下示所好于下誰敢不變帝悅詔宮人視主衣製廣狹徧諭諸主

衣紫韋澳一日召入屏左右問曰朕於敕使何如澳陳帝威制前世無比帝搖首曰未也策安出澳倉卒答曰若謀之外廷則大和事可用追鑿不若就擇可任者與計事帝曰朕固行之矣自黃至綠自綠至緋猶可衣紫即合為一矣

解衣以贈夏侯端壽春人王世克遣人以淮南郡公尚

書少吏部印綬召端解衣服以贈端曰吾天子使寧污  
賊官耶非持首去不可見即焚書及衣

以衣蔽辭張仲武范陽人子直方時鄭畋輔政頗言仲  
武會昌中功第一今直方百口不自存每內燕以衣蔽  
惡辭不赴陛下錄功念舊宜少優假

衣紙自蔽周智光先是淮西李忠臣入朝次潼關聞智  
光反率兵討之會敗忠臣因入華大掠自赤水至潼關  
畜產財物皆盡官吏至衣紙自蔽累日不食者

危帽散衣開成初李紳為河南尹河南多惡少或危帽散衣擊大毬當官道車馬不敢前紳治剛嚴皆望風遁去

不為鮮明盧鈞玩服不為鮮明

衣服喜鮮明李貞素衣服喜鮮明

衣錦半臂來子珣遷遊擊將軍常衣錦半臂自異

鞞羅衣敬宗寶曆二年閩東國貢舞女二人衣鞞羅之衣無縫而成其文巧織人未之識焉

裙曳地淮南觀察使李德裕令管內婦人衣袞四尺者皆闊一尺五寸裙曳地四五寸者減三寸

銀緋張宿使淄青裴度欲為請銀緋韋貫之曰宿奸佞吾等縱不能斥柰何欲假以寵乎

蒿水濕衣唐咸通末淮南李公游江舟子刺船誤為竹蒿所濺水濕近侍衣李公為之變色裴餘慶時佐幕適在坐遽獻詩云半額鵝黃金縷衣翠翹浮動玉釵垂從教水濺羅襦濕疑是巫山行雨歸

散幅裙周逢行為武安節度婦人所著裙皆不縫謂之  
散幅裙或曰裙之于身以幅多為尚周匝子身今乃散  
開是不周也不周不縫是姓與名俱去矣幅者福也福  
破散其能久乎未幾行逢卒

陶岳荆  
湖近事

畫雲霞蜀王衍嘗與太后太妃遊青城山宮人衣服皆  
畫雲霞飄然望之若仙

遺浦浣衣揚行密嘗過楚州臺濛盛供帳之行密一夕  
去遺衣卧內皆經補浣濛帳之行密曰吾與細微不敢



忘本君笑我耶濠大慙

黃衫昭宗既誅宦官第五可範等準國故事量留三十人各賜黃絹衫一領以備宮中指使仍不得輒有養男其左右神策軍諸道監軍並令停廢

寒不假衣陳無已趙挺之邢和叔皆郭大夫壻陳在館職當侍祠郊正非重裘不能禦寒氣無已止有其一其內子為於挺之家假以衣之無已詰所從來內以實告無已曰汝豈不知我不着渠衣邪却之既而遂以凍病

而死謝克家作其文集序中有云篋無副裘又云此豈

易衣食者蓋指此事

朱語錄

寶衣武王伐紂紂蒙寶衣投火而死

六

紫衣齊桓好服紫國人盡服之公患之管仲曰君謂左

右甚惡紫臭於是三日境內莫有紫衣者

韓子

妾不衣帛季文子相宣成無衣帛之妾無食粟之馬仲

孫它諫曰子為魯上卿妾不衣帛馬不食粟人其以子

為愛且不華國乎文子以告孟獻子獻子囚之七日自

服之妻衣不過七升之布文子聞之曰過而能改者民

之上也使為上大夫

魯語

偏褻之衣晉獻公使太子申生伐東山衣之偏褻之衣  
佩之金玦僕人贊聞之曰大子殆哉君賜之奇奇生怪  
怪生無常無常不立使之出征先以觀之且是衣也狂  
夫阻之衣也

晉語

狂夫方相氏之士也阻古詛字將服是

衣必先詛之

狎羊之裘晉文公好仕之惡衣故文公之臣皆狎羊之

裳韋以為帶

墨子

大布之衣昔晉國苦奢文公以儉矯之乃衣不重帛食

不兼肉無幾時國人皆大布之衣脫粟之飯

尹文子

四時衣宋景公之時懸四時衣春夏以珠玉為飭秋冬

以翡翠為溫

拾遺錄

解衣夜死戎夷違齊如魯天大寒而後與門弟子一人  
宿於郭外寒逾急謂其弟子曰子與我衣我活我與子  
衣子活我國士也為天子惜死子不肖也不足愛子與

我衣弟子曰夫不肖之人安能與國士衣哉戎夷解衣

與弟子夜半而死弟子遂活

呂氏春秋

懸萊林類榮啟期衣若懸萊

淮南

小人衣齊林既者衣葦朝景公景公曰何忽服小人衣  
耶林既曰衣狗裘者必不羊鳴今君衣狐裘音必能不

狐乎

說苑

賜衣魏文侯封太子擊於中山三年使不往來舍人趙  
倉唐奉使侯問子之君長大孰與寡人倉唐曰君賜之

外府之衣則能勝之文侯遣倉唐賜太子衣一襲令倉唐鷄鳴時至太子迎拜賜發篋衣盡顛倒太子趣具駕曰賜之衣非以為寒也欲召擊也無誰與謀故遺予以衣詩曰東方未明顛倒衣裳顛之倒之自公召之

上

懸鶉子夏家貧衣若懸鶉人曰子何不仕曰諸侯之驕我者吾不為臣大夫之驕我者吾不復見也

孫卿子

緇衣狗吠楊朱之弟楊布衣素衣而出天雨緇衣而反其狗吠之布恐將擊之朱曰使汝狗白而往黑而來能

不怪哉

韓子

大布之衣莊子衣大布之衣而過魏王魏王曰何先生之憊耶莊子曰士有道德不能行憊也衣弊履穿而貧者非憊也

莊子

短褐田文謂其父靖郭君曰君後宮蹈綺縠之衣而士

不得短褐

春秋後語

五時衣高祖時大謁者臣章受詔長樂官令羣臣議天子所以服以安天下謁者趙堯舉春李舜舉夏倪湯舉

秋貢禹舉冬四人各職一時制曰可舉者以各舉一時  
之事白之五時衣始於是

漢雜事

綴草為衣天漢三年渠搜國之西有祈淪國其俗淳和  
人壽三百歲有大壽木之林一樹千尋若經憩此木皆  
不死不病或有泛海繩山來會其國綴毛草為繩結網  
為衣如今之羅紈也至元狩六年獻網衣一襲帝焚於  
九達之道恐後人徵求此物故燒之烟如金石之氣  
以茅為衣員嶠山南有池移國人長三尺壽萬歲以茅

拾遺



為衣衣服皆長裾大袖因風以昇烟霞若鳥用羽毛也  
織茅為衣禮敬國其俗人年三百歲而織芳茅以為衣  
蓋尚書云島夷卉服之類也

觀書題衣任末年十四時學無常師夜則映星望月暗  
則縷麻蒿以自照觀書有合意者題其衣裳以記其事  
門徒悅其勤學更以靜衣易之時人謂任氏為經苑

金縷衣王昌字公伯為東平相散騎常侍早卒婦是任  
成王曹子大女昌弟式字公儀為渡遼將軍長史婦是

尚書令桓階女昌母聰明有典教二婦入門皆令變服下車不得踰侈後偕子嘉尚魏主欲金縷衣見其式婦歸嘉止之曰其姬嚴固不聽善耳不須持往犯人家法

襄陽者  
舊傳

賭衣明帝寵愛肇與帝戲賭衣服有所獲輒入御帳服之趣出親狎如此

曹肇  
傳

襲私服齊王冏為大司馬輔政稽紹為侍中詣冏誌事冏召葛洪董艾等共論時宜洪等白冏曰稽侍中善於

絲竹公可能操之遂進樂器紹推却不受問曰今共為  
歎卿何却耶紹曰公協輔皇室今作事可法紹雖官卑  
職備常伯豈可以先王法服為令人之業今逼高命不  
敢有辭當釋冠冕襲私服此紹之心也襖等不自得而

退

世說

不好着新衣桓車騎不好着新衣浴訖婦故送新衣車  
騎大怒催使將去婦便持還傳語云衣不經新何由而  
故桓大笑而着之

上

鬼著生衣阮宣子論鬼神有無或以人死有鬼阮子獨  
以為無曰今見鬼者云著生時衣服若人死有鬼衣服  
亦復有鬼乎 上

五色玉衣太始元年魏帝以陳留王之歲有頻斯國人  
來朝以五色玉為衣如今之鎧 拾遺錄

繡衣賜死曹操遣女阜帳婢十人東阿婦以繡衣賜

死王景興以浙米見誚 南齊書崔祖思傳

玉衣霍光傳珠璣玉衣師古曰漢儀注以玉為襦如鎧

狀連綴之以黃金為縷要以下玉為札長尺廣二寸半  
為桺下至足亦綴以黃金縷也 上賜霍光玉衣梓宮

耿秉死上亦賜玉衣貴人死者珍異之服也

染帛為服上古穴居衣毛未有制度後聖人易之以絲  
麻觀之翬翟之文榮華之色乃染帛以効之始作五采

成以為服凡十二章

董巴漢  
典服志

適體古之人未知衣服之制故聖人作之冬則綿帛暖

且溫夏則絺綌清且涼所以適身體和肌膚也

墨子

老而衣絲古者庶人老耄而後衣絲其餘則麻苧而已

鹽鉄

論

白越單衫吳選曹令史劉卓並荒夢見一人以白越單衫與之言曰汝着衫汗火燒便潔也卓覺果有衫在側

汗輒火浣之

甄文帝  
列傳

服婦人服何宴好服婦人之服傅玄曰此服妖也夫衣裳之制所以定上下殊内外也大雅云玄衮赤舄鈎膺鏤錫歌其文也小雅云有嚴有翼共武之服詠其武也

若內外不殊王制失叙服妖既作身隨之亡妹嬉冠男子之冠桀亡天下何晏服婦人之服亦亡其家其欲均也

紫袍狄仁傑轉幽州都督賜紫袍龜帶武后自製十二金字環統五色雙鳶其文曰敷政術守清勤昇題位勵

相臣乃命錄之

家傳

不肯服朱桃推益州成都人澹泊絕俗被裘曳索人莫能測其為長史竇執見之遺以衣服鹿幘鹿鞞逼署鄉

正委之地不肯服

羣臣之服衮冕者一品之服也鷩冕者二品之服也毳冕者三品之服也絺冕者四品之服也玄冕者五品之服也平冕者郊廟武舞郎之服也爵弁者六品以下九品以上從祀之服也武弁者武官朝參殿庭武舞郎堂下鼓人鼓吹按工之服也弁服者文官九品公事之服也進賢冠者文武朝參三老五更之服也遠遊冠者親王之服也法冠者御史大夫中丞御史之服也高山冠



者內侍省內謁者之服也委貌冠者郊廟文舞卽之服也却非冠者亭長門僕之服也平巾冠者武官衛公事之服也黑介幘者國官視品府僉謁府國子太學生四門生俊士叅見之服也介幘者流外官行署及三品以下登歌工人之服也綠幘者尚食局主膳典膳局典食大官署食官署供膳奉解之服也具服者五品以上陪祭朝饗拜表大事之服也從省服者五品以上公事朔望朝謁見東宮之服也

服袍加襴大尉長孫無忌議服袍者下加襴緋紫綠皆

視其品庶人以白出

車服志

易青以碧則天光宅元年九月甲寅易內外官服青者

以碧 闕

金字銘袍永壽中勅賜岳牧金銀字銘袍

錄 集 疏

機杼伯余之初作衣也綾麻索縷手經指挂其成猶網

羅後世為之機杼

淮南  
汜論

甚遼衣服鬼名甚遼

焚衣街齊東昏侯製四種冠五彩袍一月中二十餘出  
晨出三更歸夜出清晨反梁廢東昏焚奢淫異服六十

二種于御街後人號其所曰焚衣街

金陵  
志

衣小裳大帝嘗問丈夫冠婦人髻皆高大何邪令狐德  
綦對曰冠髻在首君之象也晉之將亡君弱臣彊故江  
左士女衣小而裳大宋武帝時命君德尊嚴衣裳隨亦

變改此近事驗也

唐書

紗縠單衣江充召見上衣紗縠單衣曲裾後垂交輸

漢書

共衣陳留尹苞字延博與同郡范史雲善二人俱貧出入共一單衣到人門外苞年長常先着單衣前入須臾

出解與史雲

謝承後漢書

衣補車幘梁孝王彤宣帝子將軍衣補車幘以此為清叅軍王銓曰晏嬰大官稱清者以為御食七百家也公

無此費宜美衣服使內外相稱彤有慙色

王隱晉書

賣衣還錢鄭弘為縣嗇夫民有弟斥兄錢者未還之嫂  
領詣弘賣中單為叔還錢兄聞之慙遣婦賣錢還弘弘

不受

會稽  
典錄

市衣與父吳祐為曜東相嗇夫孫性盜富民錢五百為  
父市單衣父恐便以單衣謁門自謝祐遂以單衣遺其

父

陳留耆  
舊傳

火浣梁異作火浣布單衣會賓客行酒失盃而汚之偽  
怒解衣而燒之垢盡火滅粲然潔白

子傳

梁異作狐尾單

衣上短下長

別傳

单衣有餘邊讓才辨俊逸孔融薦讓於武帝曰邊為九

州之被則不足為单衣襜褕則有餘

別傳

華曜懷愧張君平與妹憲書曰念諸里舍皆富財賄往

襦襲蔽紛華照曜於是之除想汝懷愧

婦人集

介幘優申石勒叅將周承為館陶令斷官絹數百疋獄  
以入坐議宥之後每設大會使優兒着介幘黃絹单衣  
優問曰汝何官答曰我本為館陶令斗數单衣曰正坐

取是故入汝輩以為本笑

趙書

緼袍以示靈帝欲以羊續為太尉時拜三公者皆輸東園禮錢千萬于使督之續乃舉緼袍以示之曰臣之所

資惟斯而已故不登公位

袁山松後漢書

續出黃紙補袍以示

使人時人謠曰天下清苦羊續祖

古今善言

青絲袍郭璞每自為卦知其凶終嘗逢一趨走來年便脫青絲袍與之此人不解其意璞曰身命卒當在君手故逆相屬耳及當死果此人行刑傍人皆為屬求利璞

曰我常託之乂矣此人為之獻歎哽咽行刑既畢乃說

如此

投神記

冥婦珠袍有談生者年四十無婦夜有女年十六六姿色無雙來為生妻經三年遂乃生一兒曰慎勿以火照我後三年可照耳生不能忍照之腰上肉如人腰以下但枯骨婦求去將入華堂與室以珠袍與之生至市賣袍睢陽王識是女袍收拷談生談生具對呼兒似王女

投神

記



袖長三丈毋止儉征涖淇使王頃窮其東界父老云曾有破船從漢海流得布衫身如中國人但兩袖俱長三

丈

異苑

博袍楚莊王解冠緼紐纓絳衣博袍以理其國政也

墨子

襦

短衣襦短衣也一曰羅衣羅溫也奴索反

說文

襦煥也言

溫煥也單襦如襦而無絮也反閉襦之小者也却向着

之領含於項反於背後閉其衿也

釋名

小獄襦袴子產治鄭鄧析務難之約民大獄一夜小獄

襦袴鄭國大亂子產殺鄧析而民服

呂氏春秋

左開之襦勾踐與妻入臣吳夫人衣無緣之裳左開之

襦莖以養馬

吳越春秋

綺繡班伯為侍中與王許子弟為羣在於綺繡紈袴之

間非其好也

漢書

珠襦昌邑王被廢太后被珠襦如淳日以珠飾襦晉書

曰貫珠為襦盛服坐武帳中王前聽詔

珠襦豫賜哀帝以東園秘器珠襦玉柙皆豫以賜董賢  
織襦趙飛鶯為皇后其弟在昭陽殿上遺織成上襦

兩京

雜記

遺襦待詔景子春素善占坐事繫其婦朱君至獄門通  
言遺襦袴子春驚曰朱君來言與朱為誅袴而襦中絕

者也我當誅斷也後遂腰斬

桓譚  
新論

與徒作襦鍾離意為司徒侯霸府議曹掾詔送三百人  
到河北遇隆恩到弘農意輒使屬縣令出錢與徒作襦

袴光武謂侯霸曰君所使吏仁恕用心乎

吳越春秋

襜褕來歙詣雒見上上大喜解所披襜褕衣歙

東觀漢記

布襦第五倫性節儉為二千石常衣布襦

上

布襦袴裙梁鴻妻孟氏女布襦袴裙鴻曰此真梁鴻妻

也

上

皂帽布襦管寧嘗着皂帽布襦隨時單複

魏志

官中物司馬宣王從遼東還有六十假士寒凍于車乞

一襦公乞之酒左右曰官不少襦可賜之公乞之酒曰

襦官中物臣無私施

世說

脫襦不受謝眺為吏部侍郎過侯江革時大寒雪見革  
敝絮單席而眈學不倦差嘆久之乃脫其著襦并手割  
半穗與之充坐具而去

紫羅襦謝鎮西著紫羅襦據胡床彈琵琶作大道曲

語林

脫襦武陵昭王頴過竟陵王子良宅冬月道逢乞人脫  
襦與之子良見其衣單進襦於頴笑曰我與向人亦復

何異

齊書

不敢解襦顧協少清介有志操初為廷尉正冬服單薄  
寺卿蔡法度欲解襦與之憚其清嚴不敢發口謂之曰  
我願解身上襦與顧即難衣食者竟不敢以遺之

梁書

常服布襦郭祖深清儉常服故布襦

上

神送北斗索君正為豫章內史性不信巫邪有師世榮  
稱道術為一郡巫長君正在郡小疾主簿熊正麓巫師  
云須疾者衣為信命君正以所着襦與之事竟取襦云  
神將送與北斗君君正使檢諸身於衣裏獲之以為亂

政卽刑於市而焚神一郡無敢行巫

上

婦着小襦高祖復至鄴見公卿曰朕昨日入城見車上  
婦人冠帽而着小襦襖者尚書何為不察任城王澄曰  
着者猶少帝曰任城意欲全着乎一言可以喪邦其斯

之謂可命史官書之

後魏  
書

珠襦吳王闔閭葬女以珠襦之寶

吳越  
春秋

夏着暑襦紐伯子者冬着單衣盛暑襦袴

列仙  
傳

青襦東海君以織成青襦遺陳節方

列異  
傳

着金襴乾羅者慕容廆之十一世祖也着金銀襦鎧乘  
白馬金銀鞍勒自天而墮鮮卑袖之推為君長

述異記

衫

末無袖端衫芟也衫末無袖端也襦襜其一當胸其一

當背也

釋名

襜襦陳魏宋之間謂之襜或謂之單襦

楊雄方言

織衫建康小吏曹著為蘆山使君所迎配以文婉著形  
意不安屢求請退婉潜然流涕賦序別并贈織成禪衫



也 晉東宮舊事

寄愍懷以體上白絹單衣一領因士寄與妃

晉惠帝起居注

納布徐湛之母會稽公主高祖微時有納布衫襖等衣皆是武敬皇后手自作高祖既貴以此付公主曰後代若驕奢不節者以此示之 宋書

兩襠衫薛安都與魏多縱突騎衆軍患之安都怒甚乃覘兜鍪解所帶鎧唯着絳納兩襠衫馬亦去具裝馳馬賊陣猛氣咆嘯所向無當其鋒者 宋書

求衫到漑為建安太守任昉以詩贈之求二衫云鐵錢  
兩當一百代易名實為惠當及時無待涼秋曰漑合云  
余衣本百結閩中徒入蠶假令金如粟詎使廉夫貧

上

青絳兩襜太始二年御史丞羊希奏山陰令謝洸親憂  
未除常着青絳納兩襜請免沈前所居官也

宋起居注

被衫甲陽休之除散騎常侍監修起居注頃立坐事左  
遷驍騎將軍衣兩襜文宣郊天百僚咸從休之為驍騎  
將軍衣兩襜用手持白楳時魏收為中書令朝之曰義

真服未休之曰我昔為常伯首戴蟬冕令處驍遊身被

衫甲允文允武何必減卿談笑晏然議者服其夷曠

齊書

不獨衣衫德宗在梁州地熱未給將士春衣夾服以侍

朝左右請御衫上曰從我者冬服未易我豈可獨衣衫

乎將士聞之莫不流涕

唐書

裙

下裳裙下裳也連接裙幅也緝下橫縫緝其下也緣裙

裙施緣也

釋名

裏衣裙裏衣也古服裙不居外皆有衣籠也上

帔裙陳魏之間謂裙為帔繞衿謂之裙

方言

織成趙飛燕為皇后其女弟上織成下裙

西京雜記

無緣戴良家五女皆布裙無緣裙四等

汝南先賢傳

布裙王良為司徒司徒妻布裙徒跣曳柴

東觀漢記

禿裙漢明德太后禿裙不緣

續漢書

長裙上短獻帝時女子好長裙而上甚短

五行志

孿縮燉煌俗婦人作裙孿縮如羊腸用布一疋皇甫隆

為太守禁改之

魏眾

恒着管寧恒着布裙

魏志

絳碧崇進皇太后為太皇太后有絳碧絹雙裙絳絹襪

裙紺絳紗複裙白絹裙

晉宋舊事

單帛惠帝還洛陽得鹿犢車一乘以單帛裙為幃也

四王

起事

書裙羊欣字敬元年二十時王獻之為吳興太守甚知愛之欣嘗夏月着新絹裙晝寢獻之入縣見之書裙數

幅而去欣書本工因此彌善

宋書

啟藏腰中魚復侯子響不道帝以兵圖之有司奏絕中響屬籍賜為峭氏子響密作啟數紙藏妃王氏裙腰中具自申明云輕舫還闕而不得見此苦之深惟願矜之無使竹帛齊有反父之子父有愛子之名

齊

得裙繫梁何間人齊與太武攻赤連昌帝以微服入其城齊固諫不許乃與數人從帝入城內既覺諸門悉下帝及齊等因入其宮中得婦人裙繫之槩帝乘而上因

此得拔於齊有力焉

後魏書

真珠裙世祖為胡皇后造真珠裙積所費不可勝計後

被火燒之

比齊

單裙不換孟卓字君偉少修清苦之志着單裙十六年

不換

後趙錄

青羽裙南極夫人被錦服青羽裙

真人傳

留仙裙成帝立飛燕為皇后帝步太液池后歌舞歸風  
送遠之曲帝以文犀簪擊玉甌酒酣風起后揚袖曰仙

乎仙乎去故而就新寧忘懷乎帝令馮無方持后裾風  
止裙為之縞他日宮姝或襞裙為縞號留仙裙外傳每輕

風至飛燕殆欲隨風入水帝以翠纓結飛燕之裙常怨

曰妾微賤何得復與纓裙之遊

拾遺記

葛帔練裙梁任昉四子東里西華南容北叟俱元學陸  
其家聲流離不自振西華冬月著葛帔練裙道逢劉孝  
標泣然矜之曰我為卿作論乃著廣絕交論譏其舊友

五色繡裙梁武帝作五色繡裙以朱繩真珠為飾

始事



仙裙隋煬帝作長裙十二破名仙裙

上

借民裙襦唐孫伏伽上表近太后常於民間借婦女裙襦以充妓衣于五月五日於神武門遊戲非所以為子孫法

百鳥毛裙安樂公主使尚方合百鳥毛織二裙正視為一色旁視為一色月中為一色影中為一色而百鳥之狀皆見以其一獻韋后

五行志

碧羅籠裙安樂公主初出降益州獻單絲碧羅籠裙縷

金為花鳥細如絲髮大如黍米眼鼻背甲皆備瞭視者  
方見之

散幅裙周逢行為武安節度婦人所著裙皆不縫謂之  
散幅裙或曰裙之于身以幅多為尚周匝于身今乃散  
開是不周也不周不縫是姓與名俱去矣幅者福也福  
破散其能久乎未幾行逢卒

陶岳荆  
湖近事

視

犢鼻滌器司馬相如初與卓文君至成都遂相謀還成

都賣酒相如自着犢鼻裋褌器以恥王孫也

西  
雜記

窮袴昭帝上官后霍光外孫也光欲后擅寵有子帝時  
体不安左右及醫者皆阿意言宜禁內雖宮人使令皆  
為窮袴多其帶后宫莫有進者

犢鼻上樹王澄之荊州送者傾城澄脫衣着犢鼻禪上

樹取鵲鷲傍若無人

晉書

以屋為裋客詣劉伶值其裸袒因責伶伶笑曰吾以天  
為屋以屋為裋諸君不當入何責乎

晉書

露禪上聽桂陽侯義融孫冕字茂德性庸鄙為郢州刺

吏暑月露禪上聽事

宋書

紅穀鬱林王常裸袒著紅穀裊

齊書

紅禪周弘正善玄理為當世所宗藏法司於開善寺講  
說門徒數百弘正年少未知名著紅禪錦文髻踞闕而  
聽衆人茂之弗譴也既而乘間進難舉坐盡傾法師疑  
非是人覘之知相賞狎弘正後為左氏尚書夏月著犢

鼻裊衣朱衣為有司所奏彈其放達如此

梁書

擲搏無禪吉士瞻少時嘗於南蠻國中擲搏無禪寒露  
為儕輩所侮及平魯休烈軍得絹三萬疋乃作百視其  
外并賜軍士不以入室上

犢鼻登閣謝幾卿姓通脫在省署夜着犢鼻視與門生  
登閣道飲酒酣呼為有司糺奏坐免上

### 裳

障蔽上曰衣下曰裳裳障也以自障蔽也釋名

入裸解裳禹入裸國欣起而解裳俗說禹治洪水乃播

入裸國君子入俗不改其恒於是欣然而解裳也原其所以當言皆裳裸國今吳即是被髮文身裸以為飾蓋正朔所不及也猥見大聖之君悅禹文德欣然皆着

衣裳矣

風俗通

王千服綉桀之時女樂三千人無不服文綉衣裳者

管子

以裳裹首華登以吳師救華氏齊烏枝鳴曰用少莫如齊致死齊致死莫如去備彼多兵矣請皆用劍從之華氏北復即之厨人濮以裳裹首而荷以走曰得華登矣

遂敗華氏于新里

昭二  
十一

去冠披裳景公飲酒數日去冠披裳自鼓盆甕而已

晏子

一衣五采景公飲酒數日衣縠綉之裳一衣而五采具

焉上

裂裳至郢楚欲攻宋墨子聞之自魯趨而往十日十夜

足重繭而不休息裂裳而裹之至于郢見楚王

淮南子

裂裳裹楯樊噲常持鐵楯聞項羽有意殺漢王噲裂裳

以裹楯冠之入軍門立漢王旁

續漢書  
與服志

掛樹化龍東方朔生三日而母死隣母拾而養之經歲母忽失朔累月方歸後復去家萬里見一枯樹脫白布

裳掛樹裳化為龍因名其地為布龍澤

洞冥記

裳不加緣祭遵為人廉約夫人裳不加緣

後漢書

短布衣裳鮑宣妻桓氏女字少君宣嘗就少君父學父奇其精苦以女妻之裝送甚盛宣謂妻曰少君生富驕習美飾吾貧賤不敢當禮妻乃悉歸侍御服飾更着短

布衣裳

東觀漢記



編草為裳孫登字公和於汲郡北山中為土窟夏則編草為裳冬則以髮自覆

嵇康集  
自錄

### 裘

皮衣說文曰裘皮衣也白虎通曰所以佐女工助溫也古者緇衣羔裘黃衣狐裘禽獸衆多獨以狐羔取其輕暖因狐死首正明君子不忘本也羔取其跪乳遜順也

龍茸狐裘龍茸一國三公吾誰適從

左傳  
上

羔袖齊人以邾寄衛侯右宰穀從而逃歸衛人將殺之

辭曰余不悅初矣余狐裘而羔袖乃赦之

三 裘

賜羔公賜公衍羔裘使獻龍輔於齊侯遂入羔裘齊侯

與之陽穀

六 昭

衣狸齊侯伐晉夷東郭書讓發犂彌從之齊侯賞犂彌  
犂彌辭曰有先登者臣從之哲憤而衣狸製公使視東

郭書曰乃夫子也

下定

禦寒周昭王綴青鳳毛為二裘一名煥質一名暄肌常  
以禦寒也至厲王流于羸羸人得而竒之分裂此裘遍

于羸土罪入大辟者抽裘一毛以贖死價值萬金也拾遺

絺裘晉文公好士之惡衣故文公之臣皆絺裘墨子

衣殺孫叔敖相楚衣殺羊裘韓子

繡衣貂裘晉平公使叔嚮聘吳吳人飾舟以送左右各

五百人有繡衣而貂裘者說苑

狐裘晉平公出朝有鳥環平公不去平公謂師曠曰吾聞之霸王之主鳳下之今者出朝有鳥環寡人終朝不去是其鳳鳥也曠對曰東方有鳥名諫珂其為鳥也文

身而赤足憎鳥而愛狐今者君不衣狐裘以朝乎平公

曰然上

殺羊之裘趙簡子敝車瘦馬衣殺羊之裘其宰曰車新則安馬肥則疾狐裘則溫君宜改之上

出裘與寒景公時雨雪三日公披狐白之裘曰怪哉雨雪三日不寒晏子曰古之賢君飽而知人飢溫而知人寒今君不知也公乃命出裘以與寒者發粟以與飢者

晏子

反裘負芻晏子至中升賭弊冠反裘負芻者晏子曰子何者對曰我越石父也不免凍餓為人僕三年晏子解

左驂贖之也

上

賜裘不受景公賜晏子狐白裘其賈千金晏子辭而不受三反曰君服之上而使嬰服之下不可以為教

上

狗號羊鳴林既衣韋衣而朝齊景公公曰此君子服耶既作色曰服何足以端士行如君言衣狗裘當狗號羊裘當羊鳴乎今君衣狐意得無變乎

說先

麋裘孔子始用於魯魯人謗之曰麋裘而鞞投之無戾

鞞而麋裘投之無郵用三年男行乎途左女行乎途右

物之遺者民莫之舉

呂覽

皮裘負薪延陵季子適見路有遺金當夏五月有披裘而薪者季子呼取金薪者曰吾五月披裘而負薪豈取

金者哉

吳越春秋

愛毛魏文侯出遊見反裘負芻者問之對曰愛毛也文侯曰爾不知皮盡而毛無所附也明年東陽上計其布

十倍大夫賀之文侯曰民不增而稅倍亦何異反裘負  
芻者厚取於下則上下不安此自危之道也子何用賀

之乎

新序

得狐白裘秦昭王囚孟嘗君欲殺之孟嘗君使人抵昭  
王幸姬求解姬曰妾願得君狐白裘此時孟嘗君有一  
狐白裘值千金天下無雙入秦獻之昭王更無他裘孟  
嘗君患之客最下坐為狗盜者臣能得狐白裘乃夜為  
狗盜以入秦宮藏中取所獻裘奉姬姬為言于王王釋

孟嘗君

史記

委裘賈誼上書諫文帝曰天下咸知陛下之義卧赤子

天下之上而安植遺腹朝委而天下不亂

漢書

服處曰言

天下安雖赤子遺腹在位猶不危也孟康曰委裘若容衣太子未坐朝事先帝裘衣也

賜貂東平王蒼來朝章帝以王觸寒涉道賜乘輿貂裘

東觀

漢記

服羊裘馬援嘆曰殖貨財產貴其能施賑也不能守錢



虜耳乃盡散以班昆弟故舊身服羊裘皮袴

後漢

披裘澤中嚴光世祖時遊學及世祖即位乃變名隱身  
不見帝思其賢乃令以物色訪之後齊國上言曰有男  
子披羊裘釣澤中帝令齋玄纁聘之三聘而後至

上

着氊裘劉虞為幽州刺史常着氊裘

謝承後漢書

解裘覆之高文惠為刺史夙夜匪懈至擁膝袍文  
書而寤寐大祖常張微出觀察諸吏見而哀之徐解裘

覆之而去

魏氏春秋

禪子裘陸遜破曹休上為羣僚大會酒與遜對舞解所

著禪子裘賜遜

吳志

盜御裘趙王倫字子彞初封琅邪郡王坐使散騎將劉  
緝買工所將盜御裘廷尉杜友正緝弃市綸當與緝同  
罪有司奏倫爵重屬親可不坐諫議大夫劉毅駁曰王  
法賞罰不阿貴賤然後可以齊禮制而明典刑也倫知  
裘非常蔽不語吏與緝同罪

晉書

著裘走脫步熊字叔羆好學兼術數趙王倫辟熊熊言

倫死不久不足應有人告倫倫怒遣兵圍之熊使諸生  
着已裘南走圍者皆奔之熊密從北道走得脫

王隱  
晉書

遺母桓玄殺羅企生先是玄以羔裘遺企生所生母氏  
及企生遇害即日焚裘

鶴氅王恭裳披鶴裘氅涉雪行孟旭曰此神仙中人也  
故裘賜老王敦叅軍摯瞻見敦以故壞裘賜老外部都  
督曰此裘雖故不如與卜吏敦曰何故瞻曰上服賜下  
貂蟬亦可賜下乎

上

雉頭裘大司馬程據上雉頭裘一領詔曰據此裘非常  
衣服清費用其於殿前燒之勅內外有造異服詔罪

之

晉咸寧  
起居注

孔雀裘文帝製孔雀毛裘

齊書

文惠太子性奢侈製珍玩

之物織孔雀毛為裘光采金翠過於雉頭遠矣

上

青鼠裘唐邕字道和少明敏有治世才斛律金啟太后  
曰唐邕強幹一人當千題祖乃解所服青鼠皮裘賜之

云意在與卿共弊

北齊

盛暑重裘 汲乘盛暑重裘重茵使人扇之志不清涼斬  
扇者軍中謂之語曰仕為將軍何可羞六月重茵披狐

裘不識寒暑斲人頭

趙書

羽裘少昊氏都於曲阜鞮鞻毛人獻其羽裘

田休子

鹿裘堯之王天下也冬則鹿裘夏則葛絺

韓子

珍裘渠搜之人服夏禹之德獻其珍裘毛出五采光曜

五色

田休子

褐裘夏禹時渠搜國來獻褐裘也

帝王世紀

裘有尾齊有盜狗子與胡跪子相諍盜狗子曰吾父之

裘獨有尾胡跪子曰吾父冬夏獨有一足袴

韓子

弊補淳于髡見鄒忌曰狐裘雖弊不可補以黃犬之皮

忌曰諾謹受教請擇君子無雜小人其間

春秋後語

送黑貂裘蘇春說李兌兌送秦黑貂裘黃衣百鎰

戰國策

黑貂裘弊蘇秦詣秦王上書十上而說不行黑貂之裘

弊黃金百鎰盡形容枯槁及歸妻不下機嫂不為炊

上

吉光裘漢武帝大漢三年西國獻吉光裘色黃蓋神馬

之類入水不沉入火不灼

十洲記

鷓鴣裘司馬相如初與卓文君還成都居貧愁懣以所

服鷓鴣裘就市人陽昌貫酒與文君為歡

西京雜記

青羔裘成帝好蹴鞠羣臣以蹴鞠為勞體非至尊所宜

帝曰朕好之可擇似而不勞者奏之劉向作彈碁以獻

帝大悅賜青羔裘紫絲履服以朝覲

上

白裘反衣揚興謂史高曰將軍所舉不過門下賓客富

人而列士不舉是有狐白之裘而反衣也

漢書

錦裘魏武與楊彪書曰今贈足下錦裘二領

布衣貂裘管寧自幼安至孝每祭祀未嘗不伏地流涕  
恒着布衣貂裘

繹子裘魏文與孫權書曰今因趙咨致文馬一匹繹子  
裘一領

鳴鼓撒裘魏朗字少英為郡功曹佐正旦掾吏顧龕被  
裘以加朝服朗以裘非臣服龕不敬勅卒撒去龕恚而  
不聽朗右手鳴鼓左手撒裘以聞府君喜朗遂退龕以



朗代之朗辭病不就

會稽  
典畧

畏寒乞裘謝萬就安乞裘云畏寒答曰君妾與語正欲

以為豪具耳若畏寒無復勝綿者以三十斤綿與萬

林語

鵠斃謝萬與安共諧簡文萬來無衣幘可前簡文曰俱  
但前不須衣幘即呼使入萬着白綸巾鵠斃裘履板而

前共談移日大器重之

世說

與狐議裘挾夫私計以論公政猶與狐議裘無時而可

也

潛論

着裘衣覆古者着裘於內而以繒衣覆之乃加以朝服會之時祖其朝服見裘裏覆衣謂之襦襦之言露可見之辭所以示美呈好而為飾加以朝服謂之祖謂之襦大裘不覆反本以其質也

五經  
要義

黼裘諸侯黼裘以誓田雜羔狐為黼文也

上

千鎡之裘或謂孟嘗君曰太廟之掾非一水之枝也千

鎡之裘非一狐之皮也

戰國策

名裘毛氏國出名裘去朔方七千里

外國圖

與狐謀為千金之裘而與狐謀之其皮不可得也

符子

粹白之裘天下無粹白之狐而有粹白之裘取之於衆

白也

呂覽

狐裘負籠夫夏日之不披裘者非愛之也暖有餘於身也裘與蓑孰急見雨則裘不用上堂則蓑不御此代為帝者白狐之裘天子之披也而在朝堂然為狐計者不若走於澤披羊裘而賃固其事也狐裘而負籠甚可怪

也哉

淮南子

袴

脛衣袴脛衣也

說文

袴跨也兩股各跨別也留幕冀州所

名大褶下至膝者也留牢也幕絡也言牢落在衣表也

名釋

倒頓齊魯之間袴謂之褰或謂之襠闕西謂之袴大袴

謂之倒頓小袴謂之芙蓉衫楚通語也

方言

置兒袴中屠岸賈攻趙朔朔妻晉成公姊有遺腹公宮

匿之生男屠岸賈索於宮中夫人置兒袴中祝曰趙宗

若減即號若不減即無聲乃索兒竟無聲

史記

鑿新為孔鄭人卜子使妻為袴曰寫吾故袴妻因鑿新

袴為孔

韓子

經冬無袴孟嘗君食客三千人上客食肉中客食魚下

客食菜馮煖經冬無袴面有飢色

列士傳

俛出袴下淮陰屠中少年有侮韓信者衆辱之曰信能

刺我不能出我袴下於是信熟視之俛出袴下蒲伏一

市皆笑信以為怯

漢書

溺袴周仁為人陰重不泄當衣弊補衣溺袴甚為不潔清以是得幸景帝

大袴昌邑王賀衣短衣大袴

上

褒衣大袞朱博瑯琊郡功曹官屬多褒衣大袞謂大袴也

上

窮袴多帶昭帝上官后霍光外孫光欲后擅寵有于帝體不安左右及醫皆阿意言宜內宮人使令皆為窮袴多其帶後宮無進者

上

錦袴更始所爵多羣小被服威儀不以衣冠或繡面衣

錦袴

東觀漢記

皮袴馬援田牧至有牛馬羊數千頭盡散昆弟故舊身

衣羊裘皮袴

後漢書

韋袴祭遵賞賜與士共之家無私財身衣韋袴

上

曹掾無袴吳良字大儀齊國臨淄人以清白守正稱為

郡議曹掾正旦掾吏入賀明下掾王望舉觴上壽曰齊

郡遭離盜賊今明府視事五年家給人足良跪曰門下

掾佞諂明府勿受其觴盜賊未盡人庶困之今良為議  
曹掾尚無袴望曰議曹隋窳自無袴寧足為不家給人  
足耶太守曰此生言是賜良鰓魚百枚

上

冬無袴秦護清廉不受禮賂家貧衣服單露鄉人歌之

曰冬無袴有秦護

謝承後漢書

貧無袴賈逵居貧無袴過其妻兄柳孚家宿其明無何

著孚袴去時人謂為通達

魏畧

道還取袴許允聞李豐寺被收欲往見大將軍已出門



迴遑不定中道還取袴豐等已收訖大將軍聞允前遽怪之曰我自收豐等不知士大夫何為忽忽乎

上

布袴絮巾趙跋避難至北海着布袴絮巾在市中賣餅壞裳為袴劉穆之壞布裳為袴往見武帝謂曰我中始舉大義須一軍中甚急誰堪其選穆之曰無見踰者帝

笑曰卿能自屈吾事濟矣

宋書

縵絲布袴周劉題將之尋陽朝賢畢祖道題懸帛十足約曰檢衣來者以賞之衆人競改常服不過短長之間

題曰將有甚於此矣既而弘正綠絲布袴軒昂而至折

而取帛

梁書

碧絲布袴元帝愍懷太子昵狎羣下好着微服常入朝見服中着碧絲布袴摠衣元帝見之帝大怪遣尚書周中正責之上

青絞羅袴王裕之常使二老婦女戴五條辨着青絞羅袴飾以朱彩上

作襦賜凍安成王秀為郢州冬月常作襦以賜凍者

裂裙為袴何點永元中崔景惠圍城人間無薪點悉伐  
園樹以贍親黨景惠性好俠義欲交點點不顧之至是  
乃逼召點點裂裙衣為袴往赴其軍終日談說不及軍  
事其語默之迹如此上

藏刀袴中丞相司馬任胄主簿李世林都督鄭仲禮房  
子遠等潛謀害神武自魏氏舊俗以正月十五日夜為  
打簇戲能中者即時賞帛胄令仲禮藏刀於袴中因神

武臨觀謀竊發後敗

北齊

見貧遺袴孫畧冬日見貧士脫袴遺之

高士論

綾羅袴武帝嘗降王武子婢子百餘人皆綾羅袴裙手

擎飲食

世說

弊袴待功昭侯使人藏弊袴侍者曰君上不以賜左右而藏之昭侯曰吾聞明主愛一頓一笑有為頓而頓有

為笑而笑今袴豈特頓笑哉吾必待有功者故藏之

韓子

錦裁為袴孫興公道曹輔佐才云白地明光錦裁為負

板袴非無文綵然酷無裁製

郭子

文袴出郊謝仁祖年少時喜着刺文袴出郊郭外其叔

父誚責之仁祖於是自改遂為名流

俗說

直幅無殺晉中興作袴者直幅為口無殺不大夫裁也

王敦之微

技神記

桓文綺袴皇太子納妃有降直文羅袴七綵桓文綺袴

東宮舊事

都尉布袴中朔字元遊蒼梧人為九真都尉布襦布袴

鄉邑歡慕之

廣州光  
賀傳

披袴虧體兼司徒員外散騎常侍謝祭應着絳袴而祭

披袴不以貫足有虧常體

禁席  
彈事

官絹作袴揚平善裁袴以官絹百疋作袴百枚

魏事

合歡袴石虎獵着金樓合歡袴

鄒中記

皂袴絳袴司空騎吏以下皂袴因秦水行今漢家火行

宜絳袴

應劭漢  
官儀

帶

鞶帶說文曰帶紳也男子鞶帶婦人帶絲象繫佩之形

帶必有巾故從重巾徐曰卅其帶上連屬結固處

着身釋名曰帶帶也着於身如物帶也

朱帶貝飾天子北征舍于珠澤珠澤獻白玉食天子賜

黃金之環三十朱帶貝飾三十西征至赤烏氏赤烏氏

先出自周宗乃賜赤烏之人具帶五十

穆天子傳

黃金橫帶魯仲連謂田單曰將軍黃金橫帶騁乎淄澠

之間有生之樂無死之心

戰國策

金飾貝帶文帝遺匈奴黃金飾具帶一黃金犀毗

漢書

革帶揚賜拜大常詔賜所服冠幘綬王兼革帶

東觀漢記

緄帶鄧遵破匈奴上賜金剛鮮卑緄帶一具

上

赤石帶踈勒王獻大秦赤石帶一枚

魏畧

青石金帶漢陽嘉三年踈勒王獻海西青石金帶

鈎絡帶陸遜破曹休於石亭上脫御金交帶以賜遜又

親以帶為鈎絡帶

吳書

鈎絡者鞍飾革帶也世名為鈎絡

帶

吳錄

大秦國人皆着袴褶絡帶

吳時外國傳

扶南人悉着鈎

絡帶

上



急帶張融形貌短醜精神清徹王敬則見融革帶寬洽  
將至酪謂曰革帶大急融曰既非步吏急帶何為

齊書

十三鍔帶隋文作相李穆曰周德既衰愚智共悉天時  
若此豈能違天仍遣使謁隋文帝并上十三鍔金帶蓋

天子服也以微申其意

後周書

寶飾絡帶夏侯祖忻為兗州刺史喪於官沈僧榮代之  
祖欣見形詣僧榮見床上有一織成寶飾絡帶夏侯曰  
此帶殊好豈能見與沈曰甚善夏侯曰卿直許中不見

關必以為施可命焚與沈對前燒視此帶已在下腰矣

述異  
記

黃銀帶杜如晦薨帝嘗賜玄齡黃銀帶曰如晦與公同  
輔朕今獨見公泣然流淚曰世傳黃銀鬼神畏之更取  
金帶遣玄齡送其家

賜魚天授二年改佩魚為龜其後三品以上龜袋飾以  
金四品以銀五品以銅中宗初罷龜袋復給以魚郡王  
嗣王亦佩金魚袋景龍中令特進佩魚散官佩魚自此

始也

唐車服志

紅玉帶上自解紅玉帶賜寧王

明皇雜錄

柴金帶上以紫金帶賜岐王蓋昔高宗破高麗所得開元中高麗遣使來朝宴內殿因從容言於內臣曰紫金帶本國亡是歲荒民散干戈屢起幸在內帑一見足矣上聞之命封付其使

佩龜載初元年改內外官所佩魚並作龜

舊史

魚袋金玉帶高宗咸亨三年勅五品以上賜新魚袋並

飾以銀三品以上賜金裝刀子礪石一具上元中又勅  
文武官三品以上金玉帶四品五品並金帶六品七品  
並銀帶八品九品並礪石帶庶人銅鐵帶文武並帶手  
巾箕袋刀子礪石武官欲帶亦聽之九月百官具新服  
上宴之于麟德殿上

隨身魚永徽二年文武職事四品五品並給隨身魚天

后復改魚為龜

唐實錄

雕銜緞帶貞元之間德宗詔頃來賜衣文綵不常非制

也朕今思之宜有定制節度使宜以緩帶取其武毅以靖封內觀察使宜以鴈銜威儀取其行列有序翼牧人有威儀也威儀瑞草也

會要

于闐玉帶李靖五代孫彥芳其舊物有靖破蕭銑時所賜于闐玉帶十三勝七方六利勝各附環以金固之所以佩物者天子悉留禁中

通天犀帶馬植進中書侍郎初左軍中尉馬元贄最為帝寵信賜通天犀帶而植素與元贄善至通昭穆元贄

以賜帶遺之它日對便殿帝識其帶以詰植植震恐具  
言狀於是罷為天平軍節度使

辟塵犀李司封宗易言石駙馬寶吉知陳州其州解一  
皆新之每毀舊屋則坐下風塵自分去人皆驚怪蓋其

所服帶乃辟塵犀也

本  
草

還入玉帶裴晉公質狀眇小相者曰郎君若不至貴即  
當餓死一日遊香山寺有婦人以父被罪假得玉帶三  
犀帶一以賂津要冥于欄楯忘收而去度得而授之後

相者曰必有陰德及物前途萬里非某所知也

樵言

芝田

錄載白中令事同但以婦為夫耳

通天帶裴度拜淮西宣慰招討處置使入對延英曰主

憂臣辱義在必死賊不斷首臣無還期帝壯之為流涕

及行帝賜通天御帶

本傳

進玉帶晉公平淮西賜以玉帶公臨薨却進口占奏狀

曰內府之珍先朝所賜既不敢將歸地下又不合留在

人間聞者嘆其不亂

因話錄

水玉腰帶文宗朝李訓講周易頗叶上意時方盛夏遂命取水玉腰帶以賜訓

杜陽

夜明犀唐敬宗時南昌進夜明犀製為寶帶光照百步富人玉帶甚從簡陳州人許州富人有玉帶欲之而不可得遣二卒夜入其家殺而取之卒踰垣隱木間見其夫婦相待如賓二卒嘆曰吾公欲奪其寶而害良人吾必不免因躍出而告之使其速以帶獻遂踰垣而去求玉帶鳳翔李永吉初朝京師蘇逢吉以永吉故秦王



從曦子家世王侯當有奇貨使人告永吉許以一州而求其先世玉帶永吉以無為解逢吉乃使人市一玉帶

直數千緡責永吉償之既而不得州

五代史漢臣傳

犀帶有光楚馬希聲海商有牛犀帶者直數百萬晝夜

有光洞照一室希聲殺商而取之逾月光遂滅

九國志

雲鶴水犀江西鍾氏既滅子匡範歸武肅獻雲鶴通天

離水犀帶一云玄宗御玩遺在西門門客獻鍾鍾常寶

之武肅回帶賜錢二萬緡範因登碧波亭命與許彥方

擊楫而行水開七尺許至瑞石山岸大為驚賞

僧贊  
傳載

歌姬賭犀帶嚴續相公歌姬唐鎬給事通天犀帶皆一

代尤物因出妓解帶呼盧唐采大勝乃酌酒命美人歌

一曲而別嚴悵然與之

南唐  
近事

日月帶韓似夫使金國見北主所係犀帶倒透中正透

如圓鏡狀光彩絢目虜主云此石晉少主歸獻耶律氏

謂唐世所寶日月帶也

揮塵  
錄

濶十四稻宋王介甫所賜玉帶濶十四稻號玉抱肚真


宗時趙德明所貢也紹興中王氏猶藏之曾孫奉議郎

璫始復進入禁中

老學  
筆記

萬釘寶鈿統葉爾可汗獻萬釘寶鈿金帶

突  
傳



天中記卷四十七